

PSA UMS Semarak Ramadan Bersama Anak Yatim

UB 20.6.2017 B2
KOTAKINABALU: Persatuan Pelajar Pascasiswazah (PSA) Universiti Malaysia Sabah (UMS) mengadakan Program Semarak Bulan Ramadan Bersama Anak Yatim 2017 di Hotel Tabung Haji Sembulan pada 16 Jun lepas.

Program itu diisi dengan acara berbuka puasa bersama anak-anak yatim dari enam sekolah rendah dan sebuah sekolah menengah sekitar Kota Kinabalu.

Seramai 35 anak yatim diraikan dari SK Gudon, SK Melawa, SK Kolombong, SK Inanam 2, SK Pengiran Siti Hafsa, SK Bukit Padang dan SMK Likas masing-masing berumur dalam lingkungan 7 hingga 17 tahun.

Majlis berlangsung dengan jayanya dan disempurnakan oleh Timbalan Dekan Hal

Ehwal Pelajar Pusat Pengajian Pascasiswazah, Jakaria Dasan, sebagai mewakili Dekan Prof Dr Rasid Haji Mail yang menghadiri majlis rasmi serentak dengan majlis yang diadakan.


Majlis yang dilangsungkan bertujuan mengimarah dan menzahirkan bulan Ramadan dengan menyantuni golongan anak-anak yatim yang kurang bernasib baik disamping memupuk rasa cinta beramal ibadah menerusi amalan bersedekah.

Aktiviti pengagihan barangan sumbangan dan pemberian duit raya turut menyerikan lagi majlis itu. Barangan sumbangan terdiri daripada keperluan seharian terutama untuk kegunaan pada Hari Raya Aidilfitri yang bakal tiba.

Ia sedikit sebanyak diharapkan dapat menghiburkan hati anak-anak istimewa ini menjelang Hari Raya. Hasil kutipan untuk membeli barang persiapan raya dan derma ikhlas duit

raya diterima daripada para dermawan.

Kesemuakutipansumbangan ikhlas digunakan sepenuhnya bagi menampung kos terlibat dan duit raya.



JAKARIA berucap di majlis itu.



PSA rai anak yatim dari tujuh sekolah di sekitar Kota Kinabalu.